



Foto: Damir Kobilic

## Serija lingvističkih predavanja **ČOVJEK – JEZIK – SVIJET**

Seriju lingvističkih predavanja ČOVJEK – JEZIK – SVIJET organizira Centar za bosanski, hrvatski i srpski jezik Filozofskog fakulteta Univerziteta u Sarajevu. U toku 2022. godine u okviru serije održat će se 7 predavanja. Predavači su lingvistički eksperti iz Bosne i Hercegovine i inozemstva. Cilj je serije promocija lingvistike, razmjena iskustava te osnaživanje međunarodne akademske saradnje.

### Predavanje 6/7

## Marc L. Greenberg: Kako su se razvili sistemi fiksnog naglaska u slavenskim jezicima?

#### Sažetak

Slavenska akcentologija ima vrijednu tradiciju u sklopu slavenske lingvistike, posebno nakon objavljivanja ključne monografije Christiana Stanga *Slavonic Accentuation* (1957), koja je pružila pronicljivu analizu bogatstva praslavenskog sistema akcenata, najkompleksnijeg (uz baltički) u indoevropskoj jezičkoj porodici. Znatno manje pažnje posvećeno je procesima koji su doveli do dijalekatske redukcije prozodijskih sistema, što je u značajnom dijelu slavenskog svijeta rezultiralo sistemima stalnog naglaska (predstavljenih standardnim poljskim, češkim, slovačkim, lužičkim jezicima te makedonskim). Prezentacija pruža pregled slavenskih puteva prema fiksnim sistemima naglašavanja, s posebnim osvrtom na tipološko poređenje s karakteristikama japanskih prozodijskih sistema.

#### O predavaču

Od 1990. godine prof. dr. **Marc L. Greenberg** (Univerzitet u Kansasu) specijalist je za slovensku dijalektologiju i historijsku lingvistiku. Glavni je urednik *Enciklopedije slavenskih jezika i lingvistike* (Brill) i dopisni član Slovenske akademije nauka i umjetnosti. Suosnivač je časopisa *Slovenski jezik* i *Slavia Centralis*. Objavio je poglavlja u knjigama kao što su *Handbook of Language and Ethnic Identity: The Success-Failure Continuum in Language Identity Efforts*, vol. 2 J. Fishmana i O. Garcie (Oxford UP, 2011), *Globalising Sociolinguistics: Challenging and Expanding Theory* (Taylor & Francis, 2015), *The Indo-European Languages* (Routledge, 2017), *The Slavonic Languages* (Routledge, u tisku). Njegova najnovija knjiga anotirani je prijevod s mađarskog gramatike prekmurskog slovenskog Avgusta Pavla (Brill, 2020).

Vrijeme: 14. 12. 2022. (srijeda) u 16.00

Pristup: <https://kansas.zoom.us/j/99667916098>

Meeting ID: 996 6791 6098; Passcode: 259983

Jezik predavanja: bosanski

Voditelj projekta: prof. dr. Halid Bulić ([halid.bulic@ff.unsa.ba](mailto:halid.bulic@ff.unsa.ba))

